

二南遺音卷之四

三原劉紹放編輯

黃文中簡齋咸寧歲貢
司訓安定有集

哭姪素堂



生離各異路死別無還期仲容賢惟汝一念一泣衣

憶昔在懷抱瘡滿幾垂危針灼逢異術弱體始堪支

爾父頻北上爾年方佩觿晨夕與我共口授以書詩

舞勺來江左高堂樂舍飴平江聯茂苑名儒藉下帷

蓉湖侍宦日繁牽漸肩仔昊天胡不吊風木連摧頽

二南遺音

卷之四

一

爾父再南下爾我獨相隨丁卯落解後崇瀛雙鯉來

是年崇明朝溢先
兄容齋委辦災賑開緘再三讀魂夢與俱馳秋風催

匹馬頓忘甫結纜時姪甫
娶五月骨肉重團圞爾父病漸痊

蓉湖仍借寇兄弟倍怡怡一時綰三綬時先兄兼攝
常郡並清軍

篆勤勞二豎滋匪徒親藥餌實賴左右之纜擢胸山

牧空存峴首碑吁嗟叔孫廉可為不可為官帑與孳

累首邱復何時箭歎天水公古誼實惓惓七年依慕

府公私兩無虧游子悲故鄉渺渺塵懷思依戀東閣

恩欲去拙言辭躑躅還躑躅且當扶柩歸炎蒸五六

月執紼更引綏到家慰望眼倏爾雜歡悲上堂拜阿
母入室顧嬌兒兒生不識父但知有母慈今始見爺

面覆額垂青絲歲月流光疾荏苒兩載移歎傳已解

組旋聞至西陲傳天水之軍營願從明公後忽遭萱草萎丁丑

夏先嫂張艱難戊寅夏相依戾雞臺燕來鴻適去蹤

跡兩相違時僕卷世兄將出口省覲片帆重渡江別恨倒屣危淮

浦匝月聚分手各漣洏吳趨還信宿一棹膠城隈邗

江留半載性命實相維欲了向平願遣汝暫遄歸汝

聞我病久千里趨厄羸庚辰夏復來邂逅遇良宰謂成直侯明府

二南遺音

卷之四

二

一見肝膽披毘陵許借箸然諾重不欺我時在玉峰

咫尺雁書稀仲秋訊汝病倉皇赴梁溪神色全消索

無乃精力疲買舟返吳閫百藥無神奇重九之前日

永訣執手咨阮途長寂寞含殮涕交頤天水克終始

感激沁心脾和血書千言遙望深悲噫以爾方壯盛

磊落多英姿見義爲必勇當仁不讓師方期奮遠志

節足翔雲達詎意厄中道琪林木葉淒搔首問彼蒼

茫茫實難窺理數細推詳真幻猶相疑夢時汝在側

醒覺幽明睽汝壯尚奄忽竟同玉樹摧何況吾衰甚

剩有蒼浪髭吾門自此單子子多惇稜顧此黃口乳
何時弁而頎巫陽無處問靈氛孰能推悲來填膺臆
淚下如縷糜意長語偏短汝知與不知

過淮安府署弔趙文山太守

此地曾聽趙怍琴重窺官閣淚沾襟短轅白髮勞人

夢驚戰清香刺史吟淮海蟹筐勤緯邨教淮民得山

蟬露徧棠陰又守蘇幾回遺憶杯深處悵望秦川月影

沉

張大森

仲材咸陽舉人知鎮南州好學尚氣節有郢崖詩稿

二南遺音

卷之四

三

懷友

采葛停雲誦古詩年來此意有誰知蒼涼秦棧客燈

裏寂寞匡床夜雨時記得閣前臨晉帖恨不牖下老

京師拈毫欲把離情寫芳草垂楊無盡思教習京師十年

桃源詞

幾回停泊武陵濱仙跡空懷屢問津雞犬桑麻何處

是桃花依舊鎖松筠

張藻

子揆三原副貢鄠縣教諭有燕韻編

三原范夔如其父以瘁寒強之改字夜半潛投

溪水死

天不諒人只自嘆夢回拭淚聽更殘
汨羅千古同心曲葭菼蒼茫一水寒

張幹

青柯三原國子生與張岫張濂為詩友早卒

古意

崑山一片玉佳人一片心持以贈君子重過雙南金
佳人渺何許高樓重簾深况復如奔月緬邈隔雲岑
願言翠羽帳一鼓龍唇琴

杜工部祠

二南遺音

卷之四

四

少陵原上望高秋駐馬荒祠竟日留忠愛競傳詩史
獨文章惟許謫仙儔千章古木濃陰合一帶山光暖
翠浮此地吟魂應不泯年年來往曲江頭

長陵懷古

馬上飛龍佗乃公殿前功狗困羣雄山河有分歸隆
準今古無人續大風二水帶圍松栢路
陵在涇之南渭之北諸
陵星拱鼎湖宮
原上五陵錯列豎儒漫說聞邱隴祀典皇家

累世崇

申鵬祥

扶九三原庠生有蛩音集

蠹魚

不向江湖老偏從簡牘居縹囊鑽錦繡翠軸曳瓊瑤
飽食鳳銜字安眠麟吐書可憐秦火後不異首陽墟

對鏡

蕭索秋雲冷光微晨日瘦衰顏入鏡中不止波斯皺

李之繁

士晉號少澗三原舉人好學能詩惜早死有綠槐草堂集

稷山后稷廟

一徑盤迴上蒼松萬顆圓晴峰停午日深殿鎖寒烟

共識封邠處長懷播穀年衣冠顏整頓肅拜白雲邊

二南遺音

卷之四

五

次韻九畹書齋落成

未始逃名十畝閑也非冠挂籍全刪襄陽久有耽山

癖茅屋新成石丈間

長將著述度陰晴問字人來屢半庭曾向新齋讀新

集十年始悔未窮經

謝王錫

登南涇陽舉人應山令有曲菴集

碧雲寺

明魏忠賢重修後有忠賢墓已掘

雲裏香臺出望望窘高步陂陀歷千盤乃得三門路
老松參差列天嶠虬龍怒松下碧玉流橫空略約渡

紺宇特雄麗殊相亦森布吁嗟權璫力黃金揮指願
蓬顆冢壘羊虎尚盤互就中惟窮奇勢擬南山鏗
詎知遭天譴墳掘豐碑仆落日沒細柳莽蒼東林暮
牧笛起層崖蟬聲匝深樹回首荒岡頭山僧獨歸去
遊普救寺

蒲東蕭寺知名久紅樹西廂隱香阜行人到此猶徘徊
才子多情憶元九當時爭誦鶯鶯歌今日但說曼
陀羅衣霑春雨水精域風動銀鑄宰堵坡大抵文人
妙游戲捉花留絮特適意且願身生兜率天莫教腸

三南遺音

卷之四

六

斷會真記

趙城道中

入竹穿松徑欲迷輕車橫度小橋西雲間野寺藏
岫樹裏風流遶故畦酒舍幾家留客飲山禽一語逐
人啼征途斗覺斯遊快鴻爪從容印雪泥

黨學直

育菴號古愚華州人有
陟岫吟醉古草堂集

謁孔林

稽首墓道前古栢秦漢年端木獨居處依依生暮烟

對鏡

愁人偶對鏡對鏡長歎息既羞無膏沐兼之懶修飾
可憐鏡中面面帶風塵色面與面相對不語獨默默
爾爲我之影我爲爾之則我見爾愁顏爾我共心惻
今我欲歸家嗟爾無雙翼

出潼關

遲遲別鄉井三日出函關露冷東西道風清遠近山
友人情正切遊子意如環不斷黃流水幽懷一嘯間
晚春卽事

裙腰一帶草初齊金粉江南釀錦泥拂徑菜花春蝶
二南遺音

卷之四

七

舞迎風翠柳曉鶯啼起眠定子無新眼勺面西施是
舊妻底事相留留不得東皇薄倖文陽低

雷豫

介石邨陽舉人令
鄒平有卍在雜言

黃甫店途中

甲兵思范老方略憶韓公地控三秦險人傳一代功
河流還汨沒山勢舊崇隆望古情何極村烟暮靄中

張逢壬

狄道庠生有
世耕堂草

蓮花山

千巖萬壑盡蒼松天削蓮臺有幾重界破洮岷青一

片花龕湧出妙高峯

張珽美

崑巖武威拔貢歷
官雷瓊道有集

天山雪歌

君不見天山翠嶺真奇絕雪色常明無泯滅黃雲時
覆水晶屏長天不見一峯青却如高屋瀉銀瓶水巖
積翠何時已矯若玉龍天半起蜿蜒不斷萬餘里崑
崙直接好同看青天六月逼人寒行旅多擬蜀道難
水泉西去石峽口百丈陰崖三尺厚谷鳴草偃風沙
吼灞橋驢背發高吟到此還應滌塵襟照人朗朗齊

二南遺音

卷之四

八

重陰

吳士安曰
格擬嘉州

楊鸞

子安潼關進士令健為長沙邵陽詩溫柔敦
厚人亦如之非枘鑿不相入而三仕三已吟

咏益工有
邈雲編

感懷

吾邑佳山水迥邈帶城郭村居易適意往往窮岳壑
朝爽散春林夕暉媚脩構竹林得同遊鹿門可採藥
邇來六七載興味都蕭索秋雨泣蒹葭寒風掩葵藿
天外青蓮華十丈空如削至今賁畚人應憶煙霞約
抱膝慙不樂念我同門友當時豪俊人零落如參昴

匣中流泉琴棄置今已久豈不懷古懼道遠難聚首
以我憶君心知君與我厚珍重歲寒交無爲反覆手
寄懷胡雲壑

對酒喜君傾吟詩邀我和去歲自別君清夢爲君破
希志惟古歡明霞安可澁時世所珠玉隨風等咳唾
秋月明劍光雪花如手大故里各參差心情同坎壈
黃金無駿骨儒衣甘馬磨常鄙程不識肯負揚臨賀
眼與雪俱白時若鶻疾過不謂文籍腹乃遭糠覈餓
客言彈鋏遊吾欲隱几臥敲瘿誦南華其聲若楚些
二南遺音 卷之四 九
知音倘能來報之以香粳

雜述

申韓崇刑名刻薄失天性至哉聖人心以法恤民命
綜核益精嚴源本乖中正生死兩無冤王道非徼倖
儒生重雅樂相如能鼓琴何如漸離筑猶傳烈士心
長歌正慷慨彼傭乃知音蘭蕙化爲茅瓦缶重球琳
原田何每每稷穗蕎亦花吾鄉正如此恍惚如還家
雲山互虧蔽竹樹分交加我始離南楚猶在天一涯
民生良已勤手足日胼胝饑寒迫性命無煩條教施

但願司牧者留以不盡資尊親乃天性民寧終不知
次蔗畦贈別韻

湘江春草綠憶我渭川樹客懷夜不寐鴉啼願窓曙
遠離易爲感古歡良可慕預知解纜時芳洲君猶佇
但愧未忘機沙鷗忽飛去

禽言

婆餅焦婆年老婆餅雖焦婆心小孫兒門東且莫啼
婆餅雖焦婆常饑婆不言饑誰當知

提葫蘆原南原北春糲糊有酒不飲何其愚東家積

二南遺音

卷之四

十

粟高如梁西家積金明且光秋風堂上吹白楊

媳婦媳婦早起日光已照紗窗裏起時尚得半晌粧

何況而今未梳洗東隣有婦貌如花終夜不眠憂甘

旨

王將軍寶刀歌

華堂燭炮笙歌沸滿座賓客皆半醉花竹茸茸凝夜
烟渾脫佳人舞劍器將軍酒酣氣益豪座中示我雙
寶刀逸氣直欲干雲霄腥風初淬鸞鵲膏其一傳之
自烈祖徃徃夜深聞嘯雨其一短小無裝飾云是戰

爭親奪得蠻娘十五如花紅叱潑驕馬連錢馳籌躋
欲換不敢換將軍佩之成大功我亦關西莽男子學
劍不成學書棄祇今俯仰衆人間百煉鋼如柔繞指
當歌對酒慨以慷寶劍一一生寒芒明朝我欲師黃
石仰視高天秋月白

題董文敏書

老樹槎牙臨江厓遠山如睡翳烟靄筆墨黠淡絹素
裂元精逸氣猶濛洞扁舟鼓棹向何處依稀如湖瀟
湘猥衡山九面望不到秋風落木雁聲哀思翁亭古
二南遺音
卷之四
十一
古與化標格直與吳興儕我生山水有奇癖結茅無
地種青苔買田陽羨舊有約故人好我圖頻開何當
竟就箇中住荷鋤與子剪蒿萊

效義山體

金屋屏深湘簾揭花房露重棲雙蝶仙蛾翠鳳不歸
來叢鈴碎佩飄雲葉芸窻彤管夢鴛鴦機瑤臺琳樹光
參差綵綃淚盡蚌胎死小池春漲鱗鱗起

題曾方山爲余畫登山臨水圖

我生足跡半天下所見山水多瑰奇但恨不遇好手

筆圖作屏幃臥遊之青門乃有方山子讀書樂志
江湄興來潑墨作皴染終南太華皆吾師吾鄉自昔
稱畫苑南宗之首實王維世人好尚徒信耳遂令蘭
蕙同萊施西方文物等塵土何怪繪事隨冰漸方山
作畫乃自怡不與時輩爭妍媸肯將此圖爲持贈吾
欲藏此勒作北山移

奇石歌

入門見奇石突兀凌青蒼不知何人移置此頓令院
宇生清涼巖壑陰森晝欲晦波濤歎欲勢莫當孤根

二南遺音

卷之四

七

拔地瘦皎立危峰冠日虬龍翔我欲拳拳拜其下風
寒日短愁水霜前朝王氏昔全盛城隅卜築偶辟疆
巨靈鼉屨不易致萬夫推挽來車箱平泉草木竟何
有女墳湖畔稗花荒同時有別業冷淘泉水明夕陽
星移物換等閒事井泥反覆分低昂吁嗟此石不經
濟坐閱人代關興亾星辰墮地誰復識滅沒草澤無
輝光主人好客爲置酒清燈煜煜連幽房石不能言
吾語汝對汝不惜傾千觴慎勿五嶽起方寸土花剝
蝕惟其常安能還汝三峰旁濯汝二十八泉帝臺漿

再送張君幹

君歸湖海去吾意極滄洲如此消魂別而當落木秋
雁聲關月迥帆影浦雲流萬壑千峰好相思獨倚樓
自建中紫石硯

南唐純紫玉一片已難求何事清華客能令至寶留
池痕涵太古巖氣湛深秋不有湘東管誰將五字酬
寄張雲岩

索居困風雨長途倍憶君不知今夜月又隔幾峯雲
落落鴻遵渚昂昂鶴在羣惟餘茂先劍猶得動星文

二南遺音

卷之四

三

初春感懷

度歲愁添歲經春未覺春每於夢回後憶著少年身
故舊多時別恩情一倍新踈鐘與殘漏淒切最關人
肥城道中懷遲菴卽用留別

岱雲東望處宓子正鳴琴予亦瀟湘客熟知山水音
政成無佩犢諾畫有來禽記否燕臺月僧房夜話深
幾載夢中夢懷歸山外山依然就君別何計遂吾閑
雲白蒼梧野風清紫氣關投身須有處未惜髣毛斑
留別劉雲房翰林

宿雨滯江千江城五月寒門前翔水鳥座上插魚竿
邈矣三峯月懷哉九畹蘭放船新漲好歸夢已輕安
送楊念菴省親武昌因懷楚中舊遊

南遊及時發江漢秋風清送子依親舍因之寄遠情
青楓他日淚玉笛故園聲舊夢空雲水蒼茫百感生
芍藥

露浥煙籠睡態新春風扶出女兒真初施金縷難勝
帶試搜紅綃定解頰粧淺不矜傾國貌開遲猶妬倚
闌人幽窻謾結揚州夢載酒來時已暮春

二南遺音

卷之四

十四

白燕

總帳低垂見燕歸白頭吟望是耶非
梨雲已作悠悠夢水月空驚淡淡暉
刺有將雛憐素影錯教舊侶戀
烏衣東風一夜梁園雪忍向瑤臺獨自飛

九日發漢口

風物重陽蕭且清
依辰聊復事遐征
街頭市菊依然秀
馬上題糕倍有情
故舊已無尊可共
新知何處盡還傾
遙看夏口連江口
不盡秋聲與浪聲

酬曉堂喜晤惜別原韻

客裏同心欣會合長途雲水望漫漫可堪花月開樽
日預識關山行路難渡口垂楊晴作絮枝頭梅子雨
餘酸清詩珍重勞相念更使離人不忍看

九日

野徑透遲木葉紅登臨猶是梵王宮久撥世網慚居
士幸免天涯作寓公渭曲晴開秋色麗磻泉飛任菊
花叢茱萸滿把頽然醉記取今年宴賞同

讀詩有感

東坡妙悟絕人天嬉笑猶能跨衆賢笠屐雖存羣犬

二南遺音

卷之四

五

吠怪他面目失雙顴

口號

作客秋風亦灑然就中景物畫難傳青山驛路斜陽
外紅樹人家野水邊

東借秋老人

青史何堪慰旅情千秋直作一毛輕儒林文苑知無
分萬一猶垂說部名

山行

新綠陰成夏景移野田麥浪午風吹數聲好鳥不知

處飛過人家短竹籬

吳鎮

信辰一字士安狄道舉人由韓城教諭
推陵縣令與胡侏稱二傑有松花菴集

擬古

渴亦不能飲饑亦不能餐倦亦不能寢但念心所歡
所歡復何在咫尺青雲端豈無人所愛子若桂與蘭
豈無我所愛子若肺與肝斑斑海中石文理有波瀾
頑石猶變化何論寸心丹

介子推故里

晉文昔歸國實賴從者力狐氏誓白水射姑卒見偏

二南遺音

卷之四

其

介生胡爲者鄙祿祿不及肱肉能幾何令君勞記憶
青青綿上山一蛇此潛匿雲卧不可求寒灰抱榛棘

慈母信借隱妬女亦矯特至今野草花春風愁寒食

書劉烈婦哀辭後

婦咸陽人明末爲賊虜去欲
懷刃刺之不果遂赴井死時

年十
七

巖舟渡咸陽兩岸蘆花雪中有孤鴛鴦哀鳴口流血
勝國昔崩騰三秦尤破裂奇哉劉氏妹獨抱巾幗節
娥親志未遂古井聞嗚咽銅瓶牽素絲想見幽蘭折
百年止清水墓草深石碣春風吹蝶飛過客爲愁絕

古意

長繩能繫日不縮一心愁寶刀能割水不斷雙泪流
自從君別後日日上高樓高樓臨漢水遙見木蘭舟
渺渺波與風淒淒春復秋君爲雲外鶴妾作雨中鳩

穎谷

寤生不忠孝乃有忠孝臣堂堂穎考叔遺像穎河濱
關隧允錫類挾軻終殺身嗟哉三物詛彼狡傷明神
白楊吟風葉古墓何嶙峋小人亦有母千載爲沾巾

夢登華山

二南遺音

卷之四

七

久別蓮花峰雲霄勞夢想今夕夫何夕趾離呼我往
危攀司寇冠側睨巨靈掌蒼然五粒花金翠何蕭爽
神仙有窟宅羈絆嗟塵鞅覺來煙霞失天際笙鶴響
盆栽草花蔚然有生意

扶桑生暘谷九日爲之蔽托根固有所坤輿一大器
客遺小黃磁抔土以爲地盆草受栽培居然生趣備
卷石頗醜怪欹斜隨位置風吹一尺花宛寫邊鸞意
汪洋雨露恩涓滴願已遂此蜉蝣登芥舟環視仍無際

齋前種花

旅館營斗室收身已有餘齋前一丈地借與花竹居
壘石豈在高挿籬不厭疎欣欣看生意翠綠連階除
春雨未破塊微風自荷鋤稍親抱甕勞頓覺心神舒
古今一傳舍何者是吾廬歸期儻及瓜葵藿已堪蔬
寄生值客土綿延忘其初君悟種植理宛讀幽風書

初日何杲杲

初日何杲杲光輝照我廬我廬復何在咫尺天一隅
自我去家時浮雲與我俱浮雲還故鄉遊子謾踟躕
悠悠山頭石向是嬋媛軀鬱鬱庭前柏今爲流淚枯

二南遺音

卷之四

六

得黃梅一枝戲爲新句

陽春如開闢盤古卽梅花牡丹僭稱王富貴何足誇
羣花愬天帝鵝雁紛喧譁乃呼羅浮仙冒雪詣殿衙
帝曰咨爾梅首出冠羣葩白袷與絳襦何以徵奇袞
梅花未及對黃袍己身加歸來幽夢寒翠羽鳴窻紗

馴鳩詞

秦安蔣明府
有鳩巢堂上

晴須相憐陰莫棄明府愛鳩鳩解意公堂竟日鳥雀
喧何處更求安穩地雄鳩雜亂髮雌鳩啣枯枝巢成
大歡喜明府怙我兒墻下童子馬騎竹手無彈丸筐

有粟安得明府作鳳凰使我年年飽福祿東家靈鵲
莫相擾明府愛拙不愛巧

雞窻曲爲北地石之琰作

秋雲夜晦晦不已赤幘老翁催人起
臍膊臍膊斷續聲紙窻青火飄寒檠
更長不作歸家意筆花光怪飛白鳳
爲君拔劍舞中宵窻外風雨空瀟瀟

夢中曲

松峽明月照無睡枕上流泉作紅泪
金山苦雨迷沙洲夢中路遠芙蓉愁
愁長愁短紛無數美人啼笑隔二南
遺音

卷之四

充

烟霧三更風起鬼撲燈孤影熒熒向何處

阿千歌

慕容廆思其見吐谷渾而作阿千華言兒也

阿千西我心悲阿千欲歸馬不歸爲我謂馬何太苦
我阿千爲阿千西阿千身苦寒辭我大棘住白蘭我
見落日不見阿千嗟嗟人生能有幾阿千

候馬亭歌

暹蘭

武皇愛馬如愛僊丹青畫壁生雲烟汗血千載化龍
去至今猶有空亭傳空亭茫茫連沙草極目長天但
飛鳥君不見子卿憔悴李陵羞英雄盡向鹽車老

孫圖山指頭畫虎歌

孫侯酒酣舒猿臂戲畫白額雙於菟指端真有殺虎力想見夜獵鳴瑯弧一虎斂威伏短草秋風肅肅起山隅一虎徐行眼如電百獸屏息不敢呼偉人猛氣兩相感潑墨聊復成此圖惜哉虎頭食肉技持贈乃到山澤癯我家南山虎所都短衣匹馬當誰俱請君射虎勿畫虎頑石可飲金僕姑北平太守如再起要令千里無封狐

西魏延昌公主法噐歌

二南遺音

卷之四

二十

耀州城中山壽寺奇花異竹當窻櫺老僧愛客具苦茗邀我直至般若庭偶出鐵片與銅盞黝然古色如墨形叩以寸莖聲清越宮商韻叶何泠泠云是西魏舊時物拓跋貴主手澤馨千年法噐鬼神守傳示不得偶開扇憶昔熒惑入南斗下殿天子如居停漢藜委洛明月死詎暇學道求仙靈延昌公主生宣武手塑萬佛讀金經大唐山前暮雲散愁絕望影千娉婷仙釋有無事恍惚乾陀舍利飛流螢君不見黑獺龜鼎亦消毀沙苑柳色徒青青

固關

強晉咽喉在雄關此地分
雙門開片石一劍倚層雲
高壘烟皆滅空山日半曛
秋風吹白艸哀角幾家聞
襄陽晚泊

少狎秦川水今乘楚客舟
看山雙槳暮聽雨一篷秋
漁火遙明滅菱歌自去留
柳陰眠正好清夢雜閒鷗

鷓鴣

隴山千頃綠言語不藏身
微粟糜高士重簾鎖麗人
月明如有夢花落欲無春
借問梁間燕雙飛日幾巡

二南遺音

卷之四

三

綠蝶

朱紫叢中一浪仙綠衣翻覺致福禪
夢回楊柳絲絲月舞入芭蕉葉葉天
珠海名姬歸石尉萼家神女降
羊權碧紗窗外琉璃影只恐飛來已作烟

黑蝶

漆園老子是前身倦化猶龍十二賓
燕子飛來空睥睨梨花飄處轉精神
賦同麟士吾何敢沈麟士作黑蝶賦墨

揚滕王爾逼真記否嶮山遊覽日紛垂
長帶遠迎人

武當多黑蝶兼垂雙帶者

紅蝶

嫣紅千片簇明霞遊戲春風處處家靈鳳兒孫皆赤

意蝶名
鳳子

仙人衣服也丹砂

葛洪衣
化蝴蝶

烟沉蕙徑香如火

雨落桃源影似花珍重王孫深屬意朱欄回首夕陽

斜

黃蝶

黃蝶經秋感氣深中央眼色照園林移來階下延齡
菊網得宮中買賦金出谷流鶯空自掠遶籬野菜竟
難尋崢嶸洲上曾相遇落葉西風變古今

二南遺音

卷之四

三

白蝶

莊叟蘧蘧一夢醒南華秋水濺精靈素心尚帶偷香
習艷影偏呈鏤玉形書幌低翻雲片片花房潛宿露
泠泠白衣去後知音少見爾飛來眼倍青

米元章祠

海嶽高人去乾坤畫本閒楚天雲雨暗滿眼米家山

白樂天祠

白傅千秋宅曾傳海上山仙龕猶不住鴻爪任人間

送人

紅樹迢迢接隴關白雲深處鳥飛還送君東去情何
極回首斜陽入亂山

甘延年

菊谷號又山平番拔貢少孤母楊孺人教
之永濟丞有菊谷集

白登

駕言向陽高驅車出東郭川原靜蕭條岡嶺鬱寥廓
野老指白登論古猶如昨冒頓忽合圍平勃相驚愕
勃敵佳人退智勇俱無託而今壁壘空沙場成村落
日夕羊牛來晚烟纏林壑

鄉寧山遇雨

三南遺音

卷之四

三

風生衆壑鳴雨來天地黑人在雲氣中咫尺辨不得
飄搖凌深窟蒙密穿林莽中有虎狼穴山魃頻來往
電光射人寒霹靂驚老馬黃昏風雨急剝啄山門下
自臨晉永濟往來河津見孤山

昨看孤山來今看孤山去孤山逐我行展轉無定處
心苦爲形役生年誰過百山色自青青行人頭盡白

雷雨後趙伊鎮竹園獨酌

駁龍怒鬪黑雲裏頰洞倒翻天河水炎風烈日忽相
失一洗長空碧千里夕陽遲遲照茅屋溝澮水明禾

黍綠林中繫馬越新涼不問主人且看竹風送琅玕
杯進酒青山笑我重回首坐久稍聞清露響初月如
鈎雲際朗

大寧縣作

縣治春秋時北屈地

奔湍日夜撼山谷霜早風高缺五穀糠粃爲糧穴爲
居鵠面鳩形紛滿目惟有縣官不受貧春秋兩次飽
猪肉市無我雖癯瘦腰帶寬忍能浚削縱口腹地磽
唯望三伏雨那知秋後雨方足蓋藏之謀良已矣彼
蒼何以慰災獨

二南遺音

卷之四

十四

永濟東郊觀麥至五姓湖

乘興升丹麓偷閒憇野亭鷗飛千點白雨霽數峯青
鼃勉從三事艱難守一經東河股肱郡莫厭久勞形
脫帽蔭嘉樹遲遲不忍歸湖光如拭鏡山翠欲沾衣
午日薰風好清泉苦茗稀今來狎野鳥我亦久忘機
我本林泉客哦松事已多君思猶有祿臣節竟如何
欸段騎羸馬逍遙上涑河何妨問山水載酒數相過

靈吉山

榮河
東原

杖策尋初地超然一徑通河聲喧近郭山翠遠連空

日落汾陰渡秋來元鳥宮

縣北商王廟

古人長寂寞登眺

感無窮

昔聞靈吉寺今始陟東阿晉水年年碧秦山點點螺
天邊喬木遠嶺上夕陽多歎息秋風起佳人奈若何

五臺別武岸于高王功

逢君仍磊落愧我故愚頑鬢已三年白身無一日閑
尊前論契濶馬上共追攀明日相思處迢迢水一灣

呂純陽故里

地入招賢里

在永樂

超然遠垢氛有山皆抱水無路不

二南遺音

卷之四

五

通雲綠樹千層合絃歌四境聞我來探勝蹟百代仰

遺文

宮多元明碑闕

風陵渡

晉塞臨關盡秦山隔岸多野雲歸華岳孤艇下黃河
疆理三方異璿璣七政和

堯舜都於平蒲

由來不在險揖讓

靖兵戈

永樂鎮

良田十萬頃煙火七千家秦水連村澗豫山隔岸斜
俗惟安井牧人不習繁華信是唐虞國流風自古賒

宿青嵐山

人居千仞上客宿一峯西
卧聽賓鴻近起看銀漢低
驚風搖短鬣零露下寒谿
明月扳鞍去山雲趁馬蹄
雲中春日感懷

藏器亦云久躊躇摩厲時
全牛猶未解塞馬竟誰知
風冷晴笳急雪凝春草遲
山城一眺望天末起相思
和宋梅巖登南山寺韻

歷劫傳燈在深山法象端
長城千里抱積雪四時寒
虎向定中伏僧從雲外餐
五臺真佛境雲嶺鎖空壇
二南遺音

卷之四

五

宿碧山寺

息馬碧山寺心空古佛前
鳥聲喧耳碎松影落階圓
麤飯依香積新茶漾活泉
菩提無上外渾欲謝塵緣
湧泉寺

長城近咫尺泉水一灣長
傍嶺齊精舍摩空發妙香
雲飄山欲雨風起樹生涼
塵鞅來初地何時禮梵王
後五泉

武陵去不遠苔徑入谿幽
野岸高低綠清泉曲折流
梵音雲際落林色雨中收
地僻禪心定山僧自白頭

長至宿靈石驛

故園西去路三千
逐逐浮名爲若牽
豈有痾瘵憂婦
子空勞車馬費
周旋朔風凜凜朝
沽酒山驛蕭蕭夜
獨眠莫更登臺望
雲物短衣霜髻又
經年

浮生浩蕩欲何求
晉水秦山已倦遊
惟有一經貽後嗣
更無半畝廣先疇
風來馬上塵遮面
雲起山中雪滿裘
到此郵亭聊暫憩
才非玉粲倦登樓

嶠山

秦骨已成灰
晉鏃化爲土
青青南北陵
風雨自今古

二南遺音

卷之四

元

楊山夫隱居

落葉滿柴門
日高慵未起
我來青山外
君卧白雲裏

驚秋

楊葉蕭蕭聽似雨
青山點點望如螺
故園西去數千里
一夕秋風白髮多

題荷氏寓館菊花

歲寒松栢經霜茂
九月黃花亦擅場
萬紫千紅誰耐
久秋英獨占晚來芳

萬回寺紅葉

中條飛閣迥凌空
霜染楓林處處同
半榻茶烟一壺酒
飽看紅葉醉秋風

行經襄陵懷楊山夫

襄陵諸生能詩有高致

溪邊牽飲上流水
席上卧看姑射山
慚我紅塵汗浹背
不如高士獨清閒

薛宁廷

退思雜南進士官編修

靜泉山詩

靜泉山色螺髻青
隔江闌入刺史廳
刺史政和人旣寧
攜琴放鶴來郊坰
賓佐各醉公獨醒
目營手畫胸

二南遺音

卷之四

天

緯經補天一石山
五丁時以飛閣翼
以亭雞冠熊耳

左右皆萬家
蔀屋前呈形
我公危坐依雲屏
指點八

景衆環聽盤紆曲
磴無留停

曲磴雲橫

紫閣高覽庶民星

紫閣凌虛

石門深洞窓疏櫺

洞簷朝嵐

新月一崖露華零

西崖新月

行春杏錦散芳馨

春山杏錦

雪晴栢翠于青冥

栢林晴雪

龍峰

對面魚戲萍
人才變化隨風靈

龍峰拱翠石泉鱗躍

公之懋績

揚天庭暫爲山水
發精靈濡染大筆
垂千齡矯如淮

陰軍井陘羣賢才
藻何娉婷序記賦
詩歌箴銘我欲

從之無修翎言短
情長載輜輶敢辭
金鐘撞以莛

題萬里圖送李翼茲旋里

噫吁噫悲哉樂莫樂於伴青春歸故園鳥啼花發動
吟興計日酒進北堂萱胡爲乎執手不忍別居者歎
獻行者酸豈灑河梁涕非關行路難知我兩人有蔣
子寫圖送子使我題其端前則庚戌後丁丑益以癸
酉三同年寧惟佛名聯兩世兩翁命中磨蝎宮相連
吾翁羈燕南子翁滯塞北漂泊異鄉無近遠蕭條暮
齒仍偈仄丹衷夷險久齊視愛日無乃憂中辰記得
前年送去龍堆月歸來乞假我亦得常親廁牖豈不

二南遺音

卷之四

无

好終愧緹縈上書達宸極天門詖蕩誰云不可叫自
是積誠未至感格天無力子已無說可解免而我况
玷清華職差喜骨肉稍團聚六百里路通京國今子
獨入萬里圖綠楊紅杏染行色將母依然代父身鄉
裏反逐歸鴻翼子才有如不羈馬關山阻絕試銜勒
更知處我無他語解雷動爲探消息噫吁噫悲哉行
人折盡柳絲絲蘆溝橋畔樹無枝我今送子心最悲

按翼茲名敬躋馬龍州人余及
門也丁丑進上以養母不仕

送衛二卓少之官粵東

別緒千端總莫論深情都付酒盈尊此行我憶曾遊
地好事天開衆妙門荔子熟時堪細擘木棉著處得
奇溫燕臺客舍齊州路記取飛鴻雪爪痕

龍門跋浪三千尺磊砢如君又一荷意氣黃金隨手

盡功名白水與心期未妨身在百僚底要使俗還三

古時公戶鮫人爭待澤還珠沉研亦支離

淡如水

蓮洲大荔舉人
令燕湖有集

觀蓮

六月芙蓉別樣鮮一池清翠籠微煙只堪茂叔稱君

二南遺音

卷之四

三

子那許張郎擬少年隱霧沉雲雲淅淅迎風動日日
娟娟污泥不染心如洗好折碧筒泛酒船

初度日枝陽道中

年來閑散復匆忙華髮俄驚兩鬢蒼酒後懷人千里
裏燈前題句五更霜道憐兒女悲工部每憶生徒等
陸莊容裏偷閒遠自祝莫教七尺負昂藏

王孟旦

尾中蒲城舉人垣之
從子有淡雲小草

家悅菴伴竹軒

滿目修篁寄意工茅亭如畫海天空夢回春草秋花

外情在綠雲淡雨中容不陶潛仍歸徑夜無明月亦
清風凭軒還恨竹無伴再得梅花幾樹紅

望月

皓月西風獨上樓笛聲人唱秣陵秋故園今夜團圓

影兩地平分一半愁

王勳

垂帛秦安人受業胡靜菴多學好古帖括力
追正始己卯省元未四十而卒識者歎吾道

孤之

卽景

隔戶望青山依稀懸暮雨寒烟透疏籬知是人宿處

二南遺音

卷之四

三

野老盡天機慣與山禽宿蕭蕭晚風疾人烟時斷續

忽聞雞犬聲逐雲度空曲

遺興

寂寞夕陽西寤言復誰語野竹敲疎風翠風涵宿雨

坐看高鳥飛窈窕雲深處

康師應

盧谷涇陽岸生有
錄詩書屋近稿

暮秋寄李鏡菴

楓林莽蕭瑟微陽帶平楚此地別故人青山幾回暮
心知秋水外柴門對寒澗葭冷無根扁舟自來去

李家麟

仁哉三原進士
戶部主事有集

秋柳

浙浙秋風欲斷魂
蕭條殘影拂衙門
何時再縮黃金縷
此日空餘翠黛痕
斜月一林搖別浦
暮蟬千樹咽
荒村風流去矣知
多少轉眼繁華未可論

千條萬縷度寒霜
一夕西風過曲塘
漢苑隋堤齊倦眼
新詩舊句已盈箱
拖殘野逕思陶令
舞瘦宮腰怨楚王
借問永豐園裏樹
何如文杏滿春坊

春花曾記點人衣
過眼風光久已非
灞岸遊魂徒自

二南遺音

卷之四

三

杳郵亭客夢未全稀
聲隨漁唱千江落
影逐樵歌一葉飛
爭奈小橋流水地
長條折盡苦相違

弱態迎人最可憐
夕陽林下起寒烟
空懷十里堤如畫
不見三春絮似綿
走馬全殊京兆日
歛容漫較省郎年
愁看河畔含情處
萬木蕭蕭落照邊

賈策安

磐伯咸寧進士

岳忠武祠

獄底冤沉暮夜中
誰憐涅背抱孤忠
當時若遂黃龍志
不過雲臺紀戰功

李法

維則大荔歲貢司訓狄道有來隴草

九日和李羨翁

風雨又重陽看花傾做夢詩從前歲少菊似故山黃
體怯筇移步髮稀帽壓霜孟嘉焉可學盈座是琳琅

馬覓

棧雲雲雨隔華清雨濕郎當馬上聲上皇只願生

世輸與梅花嫁廣平

羅祥譽

咸寧庠生文燦孫也有集

明道槐先生主簿杜亭時手植

二南遺音

卷之四

三

喬木思先哲蟠根老歲華分明召伯芟不比河陽花
手澤風何遠心傳道未賒臨行數回首接葉暗栖鴉

和徐濟蒼雨窓秋興

商飈落葉萬山秋肯逐輪蹄老未休愁髣漸看青鏡
改塵襟時抱白雲羞不逢葛令慵開眼若對生公學
點頭博得投閑身尚健啣杯風雨滿西樓

申廷鑾

幼與三原歲貢有于野集

答九畹

才士重詩律醇儒敦經術所分惟重輕源流合爲一

詩爲經之華經乃詩之實未聞蔑經人賦詞稱藹吉
古者陶與韓五字雄無匹伊豈事專攻窮經極理窟
譬如木千章枝葉互稠密倘非植根深何克陰蔽日
再觀東南流脉絡固紛出星宿海洄西吾恐乏點汨
奈何吟哦家動輒誇手筆效頻靡不爲敗絮類瓌楡
吾鄉彭城子經袖聳仰止典墳啜其英爰象觀元始
寢饋資百城興來賡角徵有時賦高山泰岱腕下起
有時賦流泉毫端露清泚賞鑒來宗工澹人秦學使
經庫頌前身西嶽雲著美吳髯富篇章刻翠剪紅藥

二南遺音

卷之四

三

三十六金鱗龍門接彌邇倡和資攻磋近益窮神髓
惟予托葭莩有心學杜李明經未窮經著迹盡糠粃
捺觚向元都步步避軍壘龍也忘點睛虎畫徒滋耻
吾謂楊艸元兩漢無學士吾謂遷編年千秋無信史
三百有功臣峩峩峩並華峙默與詞壇明斯人不可死

贈家懷伸時將南行

束髮授書年俱小聚時常多離時少時事驅人不自
由業異袂分判昏曉江淮一帶鹽筴雄君傍章臺貨
殖豐執經問字雖齊矣跨鶴腰纏薄不崇萬里人迴

駭駟越相逢旦夕無拘束屈指別後踰十年峩山之
巔吳水曲雖非衣錦賦歸來亦異筭常走塵埃雙舉
祥麟骨相奇雁行况復挺生才嗟予坎壈白髮新著
破藍衫頭角巾風吹河鯉悵秋月酒助詩腸揮八垠
途窮常效阮籍哭出門無馬食無肉英風空聞孟嘗
君秦地何人識范叔憶昨蘭滅桂樹死重向蓮房覓
蓮子毒龍奪我掌中珠時時血淚滴清水靈寤陰墮
呼不開錦江風聞又生哀君賦荆花兄弟樂我泣春
艸蔓初回牢落東風暮雨天懶將淚眼向紫烟惟君
二南遺音

卷之四

五

知我不得意呼朋招類預華筵今將驅車指千里浩
歌醉花野肆裏座上賴有顧曲人幾段煙雲賞宋帝
謂九 人生百歲無多日影裏隙駒過眼疾今日有酒

今日懽莫問來朝客與君春雨霏霏動春酌春花疑
傍新詩落聊憑春酒叙離情別來黃犬寄新作

籠中百舌歌

百舌拚飛鳥羅網困頑童偶從弋人手內買掛向楚
客茅屋東茅屋之東日脚下報春聲音倍玲瓏茅屋
之西日影上報春猶不休喉隴花明疑共金衣語霜

落響逐雁陣中有時哀鳴向碧落有時嗔呼起東風
胡爲乎以爭捷鬪巧之如簧舌而使剪羽拂翎常羈
乎樊籠細推物理三嘆息古今族類無乃同不見金
鎖鎖鸚鵡難逃黃祖之策櫛又不見剪斷巧舌有鴝
鵒困依荊州桓豁官欲學高飛附鵬背不能凌霄而
上翀思擇一枝以翔集又讓鷓鴣之小蟲舌端縱兼
千百鳥入聽總乏尺寸功主人新從平原過斗酒陶
情學耳聾爾語雖極巧爾音亦枉工嗚呼噫嘻無乃
爾數窮安爾素兮飛鳴宿食一付之乃公

二南遺音

卷之四

美

屏跡

放浪從吾懶依棲祇故林菊分春後雨柳坐夏初陰
午夢因詩醒宵眠爲酒深閉關消永晝塵意莫相侵
聞蟬

突驚秋意動嘒嘒起長林日月催人老炎涼閱世深
感懷同旅雁破夢過清砧已少挿冠興空勞抱葉吟

意

無端幽意上靈臺欸段競從寤後來細比蠶絲抽不
盡纏如蛛網解難開惟經隔膜心偏見卽是同衾容

漫猜過去追尋無可訊啞然一笑暗徘徊

邵平店懷古

行人神倦東陵道歇馬長亭問舊遊地接瓜田人憶
邵天移秦祚爵非侯都城尚望函關月繡嶺仍含灞
水秋欲弔英魂雲漠漠燈殘酒冷不勝愁

書屋秋意

突驚秋意到柴門捲卷閒將景物論冷落金風飄燕
子淒清玉露泣玉孫難迴淑氣歸湖海祇悵浮烟蔽
郭村咏罷韶光曾幾日天桃穠李欲銷魂

二南遺音

卷之四

三

白鹿陰森接錦城風傳雁陣旅魂驚

同懷弟
歿于蜀

魚沉犬

杳經三載漏轉腸迴屢五更逝水未歸天外櫬連雲
欲老雨中荆遙思萬里關山夢杖杜同行露正明

九日峪口山

醉眼迷離托乘遊霜禾露黍盡關愁行行擬向丹林
近笑指文峯最上頭

斜依東嶺望西山舊有墨痕掛壁間屈指年光如昨

日蒼苔石印幾生斑

黃雲橫鎖平疇樹掩映籬邊菊半遮獨悵羲皇人去

後可憐秋卉爲誰花

不遇詩中一世豪
偷閒乘興且題糕
吟成何必求真
解留著他年緒楚騷

李之蒙

士正三原附貢之繁弟也有雲籬山館集

哭少澗伯兄

幼子未成名
弱女懷未釋
胡爲別家人
竟爾登仙籍
棣萼情深數十年
一朝棄我隔雲天
愁來倚遍庭中樹
欲見不見淚潸然
淚潸然血痕殷
彷彿衣冠似舊顏
悠悠逝如東流水
杳杳遠於海外山
惟山則高凌霄漢
惟水則深波浩漫
山高水深知何處
華表不歸坐長嘆
漢武唐明覓仙方
海上蓬萊徒渺茫
當時若有不死藥
至今人人費長房

二南遺音

卷之四

三

春初懷秦中諸友

花發故園春
離情感歲新
方知爲蜀客
不及作秦人
風雨思文會
雲泥憶德鄰
歸期猶未定
寂寞倍傷神
舟出果州憶劉明府九腕

漁樵猶唱使君詩
憶自南充覓句時
滿地花開留錦

字清風朗月繫人思

竹林寺有題詩碑

早春舟下東湖

頃時飛渡十三灘兩岸青山指顧難
漫道春晴天氣好江風不雨亦生寒

邢琮

莫坤號受夷涇陽人刑部郎中知池州府有淡希堂詩稿課杜紀要

惜鶴

送鶴者剪其翎

仙人畜騏驎珍之若鳳凰飼以竹上實飲以醴泉漿
八風振玉羽九野隨翱翔何來遽集此因羽難飛颺
頗憶清谿客昨夢登我堂握手一長嘆將以訴衷腸
鄰鷄忽已叫起坐獨徬徨斯夢豈無因念之不能忘

二南遺音

卷之四

无

嗟嗟凌雲翼寥廓水雲鄉自謂世無爭何期網四張
顧我園中樹濃陰數畝強支離與擁腫高者亦棟梁
其中復穿鑿澌澌注方塘文鱗大數寸鼓鬣勢飛揚
有枝任爾栖有魚充爾糧浴以清冷水俾爾羽毛長
飛鳴待時奮扶搖何可量

雪中暮歸

歲暮多悲風荒村斷人迹鬱鬱積中腸跨驢有所適
朝出維霰零暮歸六花白昏黑雲更沉地凍寒踟躕
頗憶蔡州城夜中建奇策狹巷接短刃血染堅冰赤

丈夫當盛年何時事征役彎弓射天狼立名向砂磧
恩重使身輕一任裹馬草不爾調鷹犬逐兔此阡陌
駿馬金絡頭皮冠足豹舄腰懸大羽箭射虎或成石
熱生鼻頭火風從耳後劇相隨皆健兒馳驅到日夕
人生貴適意雕蟲終何益

初秋過九畹先生書齋觀紫芝

大火西流暑將却平明涼爽入焦獲功名得意是青
衿半日相看厭蕩落

時學使按臨三原

家食那是無心人鍛

羽摧翎嘆白鶴頰有知音存相見兩相樂卧雲著書

二南遺音

卷之四

早

書及肩鴻寶囊中黃石編軒窻明徹列竅鼎屋房之
樹鳴新蟬小酌簷前復燈前此際渴鯨吞百川酒闌
却話爲官事拂衣歸來先人志先人皓首只一經紫
芝偏踵安福瑞半畝園亭奇石橫忽似丹邱夜亦明
天公開口流飛電赤雲紫霞石上生一本收藏至今
在對之却起蓬萊情蓬萊之島周圍五千里海水綠
繞連天起石上生芝石中出髓安期王喬其間住止
服食迢遙黃髮覆耳有時跨鶴或乘鸞賣藥往來咸
陽市咸陽市中多逸人方法獨傳與皓綺終南一去

深復深採得靈芝紫復紫怪得君歸歸太速大患有
身辭榮祿爲君重歌紫芝歌夢醒黃粱熟未熟幾年
著定六經彙太平制作誰探討君不見東山謝安卧
不牢詔書催上長安道

送人入都赴銓

十月欲來送君行西風北風愴離情丈夫不甘尺蠖
屈太行冰雪一身輕我有匣中劍一揮風雲生水中
之蛟頭可斷深山之虎不敢鳴珠玉之裝珊瑚柄風
胡之劍同其名昔者曾落王孫手乞食佩向淮陰城
二南遺音
卷之四
聖
至寶流傳有神護光芒夜夜吾盧明感此別離脫相
贈耕夫畜此不堪耕君也長才爲世出此物安能老
蓬華

過九嶷先生觀米元暉山水卽賦

風吹老樹聲相纏益以秋淋千慮煎幽獨悵怨席門
閉長者車轍過存偏要我遲日跨驢出到來堂上生
雲烟叢樹籠烟烟帶雨寂寂山坳一茅宇閉戶不聞
鷄犬聲蒼狗白雲任今古潑墨畫出子真家遯跡何
必梁鴻廡半日相看拋不得烟霞痼疾此胸臆功成

身退復何人歸卧吾廬還相憶穀城黃石赤松師見
幾先生事應知不爾十載官欲調一旦却賦歸來辭
自是學易有深識雲卧書屋董生帷文章別開八家
面刪定復存二南詩廣收琳琅垂不朽盛名籍籍在
人口強半鑽研故帙人九原不嗟徒覆瓿搜遺重見
王新城今日作者誰其偶僕也憂患之餘生白眼不
與世重輕爲農谷口粗識字驅牛高歌耕我耕流徵
若道知音少請君還聽叩缶聲

寄季佩弟粵東

二南遺音

卷之四

望

粵秦都共此春光一得音書意轉傷芳草又生今日
夢柳條似促向時裝

季佩去年今日別

政無煩苛民還朴詩

到和平學未荒記否厓門吊忠魄幾回吾冀繞桃柳
念遠還增物外情何時見汝五羊城欲求抱朴仙人
訣便訪安期海島行四十頭顱生白髮百年事業負
青萍于今若問飛騰志雨足東臯正課耕

聞捷

蹂躪名王帳新傳瀚海天唐堯實勝筭頗收夏行邊
已自祇氛却空看夜月圓卽今汗血馬應逐使臣旋

客夜

壯歲飛蓬客挑燈獨坐情寒雞啼夜永斜月到窻明
白壁懷何已黃金鍊不成疎狂緣底事撫枕憶平生
初冬火井道中見梅花

山路行將夕山程引興長寒風忽起處撲鼻有餘香
人轉深林外梅開一水傍攀條亂隳色疑是隴頭霜
才是繁霜候梅花詎可開懷人一枝在驛使幾時來
春信此間早孤鴻天際哀無心相對處去去首重回
過王景略墓

二南遺音

卷之四

聖

華岳凌雲起黃河向海奔誰知一抔土中有古英魂
才大身難隱時危蠱自捫皇天方厭晉王霸竟空論
寄沈銳圖

別來如昨日夏景一番新好夢頻勞我憐君是可人
藥欄花刺眼梁燕語猶春倍有分離感良時難共陳
垂翅憐黃鵠浮生羨白鷗卽今農事起將次野田收
燕領頻看鏡星毛欲滿頭席門車馬少剩得一庭幽

月夜見新雁

皎月中天星斗微雁羣如字見初飛草枯塞北角弓

勁秋老江南菰米肥萬里啣蘆憐个个一行接羽共
依依撩他寄遠情何限敲斷寒砧應淚揮

揚州買妾寄內

春到江南草又芳鷓鴣啼斷九迴腸漫嗟雙槳迎桃
葉終自齊眉憶孟光玉臂休憑欄外月星毛新換鬢
邊霜金錢若問歸來日開到藤花返客裝

秋柳

舊作秋柳效顰無足錄九畹先生收之二南
遺音求鏗夫之堅勿許因復改定憶自姬人

二南遺音

卷之四

四

云亡未免觸物興懷况休文多病安仁善愁
對此柳枝悼彼桃葉云爾

何處逢秋思易傷謝家欄檻更迴腸臨風罷拂滕王
蝶委露猶垂宋玉墻但是有情皆悵望總能解語亦
淒涼曲江衙裏堪如許遮莫鳴蟬咽夕陽

金堤漫道擅風流露欲爲霜欵欵愁羞笛吹來方惜
別飛花望去忽逢秋相思遙岸春江水零落青帷舊
日樓料得短長亭外樹含烟抹翠一時休

潭沲東風拂面絲鳳州迢遞又時移詩傳結帶情何

限日影交簾興自別衰草寒蛩聞唧唧登山臨水記
遲遲消魂最是張京兆尚欲拈毫認畫眉

楚宮長捲舞時衣瘦損腰肢翠帶非莫問五官新賦
就還看九陌野烟霏花迎涼雨開三徑樹老秋風已
十圍今日攀條思往事撩人情緒可能揮

登臨邛城樓

旅思若不窮光陰匆匆度登樓望故鄉霜落此間樹
劍關姜伯約祠

姜侯遺廟此關頭應有精靈夜夜遊不見滿空飛落

三南遺音

卷之四

巽

葉交鳴風雨四山秋

送李念曾茂才之皇蘭

生計勞人怨馬蹄金城此去莫心悽班生萬里封侯
地尚在玉門關以西

過孝陵

枯樹寒烟噪晚鴉石頭城外日西斜記得去年秋七
月行人爭說孝陵瓜

呂仙祠

世少唐生莫決疑英雄羽化更難期囊中倘有平巒

策假我封侯不寐時

水頭三丈夫祠

春風斜日下程遲蓬轉征途驗鬢絲幾度徜徉古祠
畔憐他猶有婦人知

劍俠熱腸我亦欽子虛烏有等情深頭顱把向樽前
看指是人間最負心

單司馬手錄王西樵詩鈔見寄題

全家暫泊廣陵舟去雁來鴻攬客愁讀罷西樵憔悴
句故園松菊自清秋

二南遺音

卷之四

巽

行次富平城下

一渠春水綠環城人在垂楊樹裏行顧語奚奴須少
住亂啼斜日一林鶯

劉壬

源深三原園子
生有戒亭詩草

讀留侯世家

飄飄空中雲變化匪一狀我憶張子房何殊晉豫讓
一身感知已矧經三世相忠孝生英雄靈祇爲搖蕩
素書一夕傳赤帝數從訪西入孽龍蟄東來騅馬喪
垂帷前箸籌薄海洪基創侯隨蕭曹封功謝韓彭將

避穀方有心強食亦無妨
富貴與神仙翩然適所向
黃石遺道傍取祠得無妄
赤松何代人二千載之上

北郊

幾日困春風低頭臥茅屋
不是出郊來安知春事足
始覺雙眼青滿望一川綠
芳草未云短新萋似已速
夭桃紅疑茜濃李白勝玉
東起豐原列西潞帶水曲
峽口直南北雲氣交迴復
平原十里間可以展吾足
韶華三月盡適然縱所矚
孤懷欣放逸萬景媚幽獨
獨憐閒似鷗誰對清如鶴

二南遺音

卷之四

四

樵夫吟

樵子棲山依水濱
曉汲清泉蒸松筠
芒屨徧踏苔蘚
綠薜荔衣惹嶺上雲
君不見會稽太守不到頭
何似行歌長負薪

渝州王氏女歌

邑東高陵堡

君不見渝州王氏之女
苦伶仃賣身葬父作小星
旣適林郎字二子鸞鏡中
分所天死扶觀歸來奉姑嫜
那知姑嫜亦已亡
河東獅子最善吼
洗粧洗篋減饑饉
饑黃昏歸鴉忍饑數
惟有缺月照愁苦
去年矢志泛

栢舟今日含冤一抔土巴東猿嘯蜀鵑愁何似穉子啼啾啾却憐風雨蕭蕭夜魂魄應登望遠樓

抵成都

連雲蜀道長驅馬萬山旁曉霧石巖秀清風茅店涼菊殘仍待客楓醉獨留霜酌酒看明月不知是故鄉
奉懷楊子安先生

少年成進士壯歲作郎官金以有知却詩因無敵刊高懷松百尺疎節竹千竿惆悵天南北歸來兩袖寒

武侯祠

二南遺音

卷之四

哭

伊周亦已遠誰擬武侯賢三顧勳名重兩朝歷數延帝心終厭漢臣力欲回天二表悲星隕千秋傳說篇
慶善寺時重修大殿

落水蕭蕭野寺中禪林消歇轉成空象王前度毫光白獅子重歸佛火紅玉帶多時人散漫山門依舊勢穹窿翻憐鴻爪題詩客墨瀉淋漓興未窮

宿法門寺

夕陽留古塔勝代說經場八載重來此中宵花雨香

梅

江頭殘雪亂餘痕寂寂踈疎半水村獨向芳時持苦
節多從散地寄清魂飛浮愁逐白雲意冷落默承青
帝恩綺麗紛來避桃李幽香一變入蘭蓀玉人迎面
應成飾粉蝶憐心未敢捫夜夢霏微明月過曉光曩
歷淡烟存詩嫌東閣官曹詠酒戀西湖處士尊我亦
幽林高隱者春風倚杖立閒門

補遺

張四科

蒞士臨潼國子生循例授州同知以獻詩
賜六品冠帶有寶閣堂集霽山詞

高尚書

其佩

指頭畫虎歌

二南遺音

卷之四

兕

房山尚書寫白額使指居然如使筆伐毛鋸齒信手
塗趙邈礙亡罕其匹想當潑墨神先王伏地扶柱作
虎狀須臾畫就凜若生亂葦寒風颯相向吾聞張顛
以頭濡墨書以指作畫古則無披圖惜不雄談接抵
掌長楊從獵初

題仇十洲畫程門立雪圖

天寒罷講日云暮密雪已封門外路先生隱几虛堂
中兩賢拱立無情容披圖拂面北風勁千載令人仰
儒行卽此尊常侍晏閑想見斯須不忘敬

晚

野迳蟲聲合，荒庭暮色沈。
殘霞猶水外，疎雨自林陰。
望遠經時信，悲秋向老心。
蒼茫還獨立，燈火夜窗深。

邢玫

馬坪涇陽歲貢

朝天關

五丁峽過處，萬仞擁朝天。
絕磴盤雲上，危橋倚樹懸。
龍藏歸洞水，波撼濟江船。
音險行難盡，魂消曲檻前。

寄九兄思恩粵西

涼風肅四野，圍樹起秋聲。
尊酒三年別，蠻鄉萬里行。

二南遺音

卷之四

五

鶯音催旅夢，瘴雨冷孤城。
知爲離情感，蕭蕭白髮生。
樹影隔明河，空庭一雁過。
憐君今夜裏，共我此情多。
戲債思投馬，臨書欲換鵝。
池塘春艸夢，爭得到牂牁。

郭岱

斗瞻三原廩生
有省齋詩草

城南紀遊

晨興理輕策，秋晴氣蕭爽。
驢背見南山，高樓如視掌。
白雲擘絮出，無風自飄蕩。
方見昌黎詩，賦物妙無兩。
雁塔插霄漢，遠聞鐘鼓響。
昔者題名人，于此偶掉鞅。
至今成故事，碑立似列仗。
前有曲江亭，髣髴排銀榜。

逶迤至韋曲厥地實豐壤水中秔稻熟原下艸木長
小聚十數家屋角酒旗晃巖絕牛頭寺丹崖足百丈
磴道何紆盤凌兢拾級上入門篤耨香心神頓滌盪
寶盼淨琉璃法輪轉龍象興劇踏絕頂天空紫霞朗
樊川及少陵俯視但莽蒼石室禮尊宿似作非非想
見我軒渠笑儼然塵外賞清境難久留欲歸意悄悄
顧語連騎客何時脫世網結廬南山陲臥雲恣偃仰
得便訪林公與君共披篲

午日

二南遺音

卷之四

五

采絲纏黍日香水浴蘭時獨有三閭事偏宜五日詩
田文猶善跡鎮惡亦芳規更吊曹娥女誰工幼婦詞
過某氏園亭

主人何處醉流霞春色誰將去意遮惆悵游絲芳草
地海棠開徧茜紅花

